




HAJIJI melakukan gimik pelancaran SDCC.

Sabah lancar Pusat Kawalan Bencana pertama

KOTA KINABALU: Ketua Menteri Datuk Seri Hajiji Noor telah melancarkan Pusat Kawalan Bencana Negeri (SDCC), pusat pertama seumpamanya di Malaysia yang dibiayai oleh Agensi Pengurusan Bencana Negara (Nadma).

"Dibangunkan secara bersama oleh Jawatankuasa Pengurusan Bencana Negeri dan Agensi Pengurusan Bencana Negara (Nadma), SDCC ini akan memastikan tindakan yang lebih pantas dan tersusun ketika berlakunya bencana," kata Hajiji semasa majlis perasmian SDCC di Menara Kinabalu, dekat sini, Rabu.

Terletak di Tingkat 4, Blok A Menara Kinabalu, SDCC akan berfungsi sebagai platform bersepadu bagi menyelaraskan tindakan agensi keselamatan dan penyelamat, NGO serta badan penyelidikan semasa berlakunya bencana.

SDCC dilengkapi dengan teknologi maklumat dan komunikasi terkini termasuk sistem persidangan video dan pangkalan data komprehensif untuk pengumpulan dan penganalisisan maklumat berkaitan bencana.

Pusat bernilai RM750,000 itu mengambil masa lapan bulan untuk disi-

apkan.

Turut hadir ialah Menteri Sains, Teknologi dan Inovasi Datuk Ariffin Arif; Timbalan Ketua Pengarah Nadma Datuk Dr Abdul Gapar Abu Bakar; Setiausaha Kerajaan Negeri Datuk Seri Sr Safar Untong; Pesuruhjaya Polis Sabah Datuk Jauteh Dikun; Setiausaha Hal Ehwal Dalam Negeri dan Penyelidikan Negeri Datuk Ag Shahminan Ag Sahari selaku sekretariat Jawatankuasa Pengurusan Bencana Negeri; dan Pengarah Angkatan Pertahanan Awam Malaysia (APM) Sabah Mohd Yusoff Samad.